



# PRESIDÊNCIA DO CONSELHO DE MINISTROS

VI GOVERNO CONSTITUCIONAL

DÍLI, LORON 21 FULAN-SETEMBRU 2015

## KOMUNIKADU IMPRENSA

### Sorumutuk Konsellu Ministrus nian iha loron 21 fulan-setembru 2015

Konsellu Ministrus hala'o sorumutuk iha segunda-feira ne'e, loron 21 fulan-setembru 2015, iha sala sorumutuk Konsellu Ministrus nian, iha Palásiu Governu, iha Díli, no aprova ona:

#### 1. Dokumentu kona-ba Kuadru Nasoins Unidas nian ba Asisténsia Dezenvolvimentu Timor-Leste nian no Dokumentu sira - Programa PlanuAasaun nian ba Timor-Leste UNICEF, PNUD no FNUAP nian

Planu Aasaun Kuadru Nasoins Unidas ba Asisténsia Dezenvolvimentu Timor-Leste nian (UNDAF) sai nu'udar baze programasaun Nasoins Unidas nian ba períodu 2015-2019 no sai hanesan mós kuadru jerál ne'ebé kompostu hosi atividade tomak ajénsia sira nian iha país.

Iha ámbitu kuadru jerál ne'e, programa Nasoins Unidas ba Dezenvolvimentu (PNUD), Fundu Nasoins Unidas nian ba Populasaun (FNUAP) no UNICEF – Fundu Nasoins Unidas nian ba Labarik, kria ona sira nia Planu Aasaun nian ba Timor-Leste, ne'ebé kombina ona ho setór sira husi Ministériu Timor-Leste nian ne'ebé inklui ba planu ne'e no ho Ministériu Finansas.

Akordu UNDAF nian sei asina hosi Ministru Negósius Estranjeirus no Kooperasaun. Planu asaun sira nian hosi organizmu setoriál sira sei asina hosi ministru ida-idak ne'ebé tutela ba asuntu ne'e ka Ministra Finansas nian.

#### 2. “Development Objective Agreement” “Objetivu Akordu Dezenvolvimentu nian”

“*Development Objective Agreement*” – Akordu kona-ba objetivu dezenvolvimentu nian



Palácio do Governo,  
Avenida Presidente Nicolau Lobato,  
Díli, Timor-Leste

pcm.gov.tl@mail.com  
(+670) 33 310 608

ba Timor-Leste – asina ona iha loron 27 fulan-marsu tinan 2014 no sei tama iha vigór to’o loron 30 fulan-setembru tinan 2018. Sai hanesan instrumentu apóiu ba ajénsia Norte-Amerikana nian ba dezvoltamentu internasionál (USAID) no atuhodi fortalese desentralizasaun ba-ihá provedoria Direitu Umanu no Justisa (PDHJ).

Konsellu Ministrus foin aprova alterasaun ba akordu ida ne’e, atu promove kontribuisaun adisionál ida relasiona ho programa ne’e. Desidi ona mós katak akordu ne’e sei asina hosi Ministra Finansas nian.

### **3. Rezolusaun hosi Governu ne’ebé aprova Rejimentu Komisaun Internasionál Seguransa nian**

Lei n.º 2/2010, loron 21 fulan-abril, kona-ba Seguransa Nasionál, kria ona Komisaun Interministeriál Seguransa (CIS – sigla iha lian portug), bainhira hanesan orgaun konsulta Primeiru-Ministru nian kona-ba koordinasaun polítika ba sistema Integradu Seguransa Nasionál nian. Lei ne’e defini kompeténsia sira no nia kompozisaun, hodi ható’o ba Konsellu Ministrus hodi hetan aprovasaun ba rejimentu ne’e.

Nune’e, daudaun aprova ona regra lubuk ida ne’ebé regula organizasaun no funsionamentu sorumutuk sira nian hosi Komisaun Interministeriál Seguransa nian. Entre aspetu sira seluk, buka mós atu asegura sekretáriadu ida ne’ebé fó apoiu tékniku no administrativu ba sorumutuk sira no garante konfidensialidade ba asuntu sira ne’ebé atu hetan apresiasaun hosi KIS.

### **4. Rezolusaun Governu nian ne’ebé nomeia membru Arkivu Muzeu Rezisténsia Timorensen nian, IP**

Dekretu-Lei n.º 22/2014, loron 3 fulan-setembru, aprova ona Estatutu Arkivu Muzeu Rezisténsia Timorensen nian, ho natureza jurídika nu’udar institutu públiku no hetan autonomia administrativa, téknika, finanseira no patrimoníu rasik. Ninia objetivu mak atu prezerva, valoriza no fó-sai atuaun sira iha tempu Rezisténsia no kultura povu timoroan nian.

Konsidera katak presiza dunik atu iha nomeasaun ba membru direasaun institutu públiku ida ne’e nian ne’ebé kompostu hosi Diretor Ezekutivu ida, ne’ebé prezide, no vogál na’in haat. Nomeasaun ne’e halo hosi Konsellu Ministrus, bazeia ba proposta hosi Primeiru-Ministru, rona hosi Prezidenti Repúblika, ba mandatu ida tinan haat nian, ne’ebé bele hafoun hikas fali.

### **5. Rezolusaun Governu nian kona-ba objetivu sira ba Dezvoltamentu Ida ne’ebé Sustentável**



Konsellu Ministrus aprova ona rezolusaun ida ne'ebé kria grupu traballu ida atu promove mekanizmu sira ne'ebé presiza ba país atu hetan bjetivu dezentvolvimentu sustentável nian. Timor-Leste hola parte ativu ba-ihá servisu definisaun nian ba objetivu globál 17 dezentvolvimentu sustentável nian hosi Painél Altu Nível kompostu hosi Ema Bo'ot sira ne'ebé Nasoins Unidas mak harii, objetivu hirak ne'e hala'o tuir polítika ne'ebé define ona iha Planu Estratéjiku Dezentvolvimentu tinan 2011-2030 nian.

## **6. Planu Reforma Fiskál nian**

Reforma Fiskál nu'udar projetu ne'ebé maka sei ezije esforsu hotu hosi setór públiku no privadu sira, nune'e mós hosi sosiedade sivíl, iha tempu badak no médiu nia laran. Nune'e, Konsellu Ministrus aprova ona planu ba implementasaun Reforma Fiskál nian, ne'ebé hakerek objetivu, kestaun fundamentál no liña asaun sira reforma nian. Kompeténsia Komisaun Reforma Fiskál nian mak elabora daudaun planu ida servisu nian ba komponente ida-idak ne'ebé define tiha ona.

## **7. Rezolusaun Governu nian kona-ba Ospital Guido Valadares**

Governu fô-sai ona rekoñesimentu formál ba Ospital Guido Valadares banhira sai nu'udar ospital hodi hala'o servisu kona-ba kuidadu sekundáriu no tersiáriu saúde nian, ba moras sira ne'ebé haruka hosi ospital rejionál sira iha teritórriu nia laran. Ospital ne'e hetan personalidade jurídika no autonomia administrative, finanseira no patrimoniál, ne'ebé integra ba-ihá administrasaun indireta Estadu nian.

Konsellu Ministrus mós analiza mós:

### **1. Dekretu-Lei kona-ba Rejime Kontrolu Tabaku nian**

Konsellu Ministrus analiza ona Dekretu-lei ne'ebé estabelese Rejime Kontrolu Tabaku nian. Lei ne'e buka atu inklui medida sira hanesan bandu atu fuma iha fatin públiku sira ne'ebé taka metin hela, fatin servisu no transporte públiku sira. Edukasaun sívika no suporte klíniku Ministériu Saúde nian, ne'ebé apoia husi enkuadramentu jurídiku ida ne'ebé forte, sei sai importante atuhodi hadi'a saúde públiku.

